

文苑英華卷第九百七十六

行狀六

行狀

檢校尚書左僕射中書門下平章事兼汴州刺史董

公晉行狀一首



檢校禮部尚書東海公徐申行狀一首

尚書吏部侍郎韓愈行狀一首

鞏縣令白府君行狀一首

襄州別駕白府君行狀一首

金紫光祿大夫檢校尚書左僕射同中書門下平

章事兼汴州刺史充宣武節度副大使知節度事

管內度支營田汴宋亳穎等州觀察處置等使上

柱國隴西郡開國公贈太傅董公晉行狀 韓愈

曾祖仁琬皇任梁州博士祖大禮皇贈右散騎常侍父伯  
良皇贈尚書左僕射公諱晉字混成河中虞鄉萬歲里人  
少以明經上第宣皇帝居原州公在原州宰相以公善為  
文任翰林之選集有既聞召見拜秘書省校書郎入翰林  
為學士三年出入左右天子以為謹愿賜緋魚袋累昇為  
衛尉寺丞出翰林以疾辭拜汾州司馬崔圓為揚州詔以  
公為圓節度判官攝殿中侍御史以軍事如京師天子識  
之拜殿中侍御史內供奉由殿中為侍御史入尚書省為  
主客員外郎由主客為祠部郎中先皇帝時兵部侍郎李  
涵如迴紇立可敦詔兼侍御史賜紫金魚袋為涵判官迴

為集作

紇之人來曰唐之復土疆集作取迴紇之力焉約我為市

馬馬既入而歸我賄不足我於使人乎取之涵懼不敢對

視公公與之言曰我之復土疆爾信有力焉吾非無馬而

與爾為市為爾賜不既多乎爾之馬歲五至集有吾字數皮而

歸資邊吏請致詰也天子念爾有勞集有故字下詔禁侵犯諸

我畏我大國之爾與也莫敢校焉爾之父子寧而畜馬蕃

者非我誰使之於是其眾皆環公拜既又相率南面序拜

皆兩舉手曰不敢復有意於大國自迴紇歸拜同勳郎中

未嘗言迴紇之事遷祕書少監歷太府太常二寺亞卿為

左金吾衛將軍今上即位以大行皇帝山陵出財賦拜太

府卿由太府為左散騎常侍兼御史中丞知臺事三司使

選擢才俊有威風始公為金吾始集作未盡一月拜太府由

太府集無此三字九日又為中丞朝夕入議事於是宰相請以

公為華州刺史潼關防禦鎮國軍使朱泚之亂加御史大

夫詔至于上所又拜國子監祭酒兼御史大夫宣慰恒州

於是朱滔自范陽以迴紇之師助亂人集作心字大恐公既出

至恒州即日奉詔出兵與滔戰大破走之還至河中李懷

光反上如梁州懷光所率皆朔方兵公知其謀與朱泚合

也患之造懷光言曰公之功天下無與敵公之過未有聞

於人某至上所言公之情上寬明將無不赦宥焉乃能為

朱泚之臣乎彼為臣而背其君苟能集作得志於公何有且

公既為太尉矣彼雖寵公何以加此彼不能事君能以臣

事公乎公能事彼而有不能事君乎彼知天下之怒朝夕

戮死者也故求共同罪而與之比公何所利焉公之敵彼

有餘力不如明告之絕而起兵襲取之清宮而迎天子度

人服而請罪有司雖有大過猶將掩焉如公則雖敢議語

已懷光拜曰天賜公活懷光之命喜且泣公亦泣則又語

於其將卒如語懷光者將卒呼曰天賜公活吾三軍之命

拜且泣公亦泣故懷光卒不與朱泚當是時懷光幾不反

公氣仁語若不能出口及當事乃更踈亮捷給其詞忠其

容貌溫然故有言於人無不信集作字明年上復京師拜左

金吾衛大將軍由大金吾為尚書左丞又為太常卿由太

常拜門下侍郎平章事在宰相位凡五年所奏於上前者

皆二帝三王之道由秦漢已降未嘗言退歸未嘗言所言  
於上者於人子弟有私問者公曰宰相所職繫天下天下  
安危宰相之能與否可見欲知宰相之能與否如此視之  
其可凡所謀議於上前者不足道也故其事卒不聞以疾  
病辭於上前者不記集作已退以表辭者八方許之拜禮部  
尚書制曰事上盡大臣之節又曰一心奉公於是天下知  
公之有言於上也初公為宰相時五月朔會朝天子在位  
公卿百執事在庭侍中贊百僚賀中書侍郎平章事實叅  
攝中書令當傳詔詞疾作不能事凡將大臣朝會當事者  
既受命皆先日習儀于時未有詔公卿相顧公遂巡進北  
面言曰攝中書令臣某病不能事臣請代某事於是南面

宣致詔詞已復位進退甚詳為禮部四年拜兵部尚書入

謝遷上語問問字集住移時日晏復有入謝者上喜曰董某入疾

且損矣出語人曰董公且復相既二日拜東都留守判東

都郡尚書省事充東都畿汝蜀本有州字都防禦使兼御史大夫

仍為兵部尚書由留守未盡五月拜檢校尚書左僕射同

中書門下平章事汴州刺史宣武軍節度副大使知節度

事管内度支營田汴宋毫穎等州觀察處置等使汴州自

大曆來多兵事劉玄佐益其師至十萬人表本無人字玄佐死

子仕寧代之畋遊無度其將李萬榮乘其畋也逐之萬榮

為節度一年其將韓惟清張彥林作亂求殺萬榮不克三

年萬榮病風昏不知事其子迴復欲為士寧之故監軍使

俱文珍與其將鄧惟恭執之歸京師而萬榮死詔未至惟  
恭權軍事公既受命遂行劉宗經韋弘景韓愈實從不以  
兵衛及鄭州逆者不至鄭州人爲公懼或勸公止以待有  
自汴州出者言於公曰不可入公不對遂行宿圃田明日  
食中矣逆者至宿八角明日惟恭與表文諸將至遂逆以  
入及鄆三軍緣道謹聲庶人壯者呼老者泣婦人啼遂入  
以居初玄佐死吳湊代之及鞏聞亂歸仕寧萬榮皆自爲  
之而後命軍士將以爲常故惟恭亦有志以公之速也不  
及謀遂出逆旣而私其人觀公之所爲以告曰公無爲惟  
恭喜知公之無害已也委心焉進見公者退皆曰公仁人  
也聞公言者皆曰公仁人也環以相告故大和蜀本有玄

佐遇軍士厚士寧懼不復加厚焉至萬榮如士寧志及韓  
張亂又加厚以懷之至于惟恭每加厚焉故士集有卒驕  
不能禦則置腹心之士幕於公庭廡下挾弓執劍以須日  
出而入前者去日入而出後者至寒暑時至則加勞賜酒  
肉公至之時時字集皆罷之貞元十二年七月也八月上  
命汝州刺史陸長源爲御史大夫行軍司馬楊凝自左司  
郎中爲檢校吏部郎中觀察判官杜倫自前殿中侍御史  
爲檢校工部員外郎節度判官孟叔度自殿中侍御史爲  
檢校金部員外郎支度營田判官職事修人變蜀本作俗  
化嘉木生白鵲集蒼鳥集作來巢嘉瓜同蒂聯實四方至  
者歸以告其帥小大咸懷有所疑輒使來問有交惡者公

與平之累請朝不許及有疾又請之且曰人心易動軍旅多虞及臣之生計不先定至於集作他日事或難期猶不

許十五年二月三日薨於位上三日罷朝贈太傅使吏部

員外郎楊於陵來祭弔其子贈布帛米有加公之將薨也

命其子三日歛既歛而行於行之四日汴州亂表本有君故字

子以公為知人公之薨也汴州人歌之曰濁流洋洋有闢

其邪闢道謹呼公來之初今公之歸公在喪車又歌曰公

既來止東人以定今公歿矣人集作誰與安始公為華州

亦有惠愛人思之公居處恭無妾媵不飲酒不誦笑好惡

無所偏與人交泊如也未嘗言有問者曰吾志於教化享

年七十六階累升為金紫光祿大夫勲累升為上柱國爵

累升為隴西郡開國公娶南陽張氏夫人後娶京兆韋氏

夫人皆先公終公四子全道唐書作全素按表本蜀

全溪系表及韓愈作董溪墓誌溪全素全澣下同按唐世全道素皆上

所賜名全道為秘書著作浚為秘書省秘書郎全

素為大理評事澣為太常寺太祝皆善士有學行謹其歷

官行事狀伏請集作考功并牒太常議所謚牒史館請垂編

錄謹狀狀上

貞元十五年五月十八日故吏前汴毫宗穎等州觀察推官

將仕郎試秘書省校書郎韓愈狀

金紫光祿大夫檢校禮部尚書使持節都督廣州

諸軍兼廣州刺史兼御史大夫充嶺南節度營田

二溪仍應作溪

觀察制置本管經畧等使東海郡開國公食邑二

千戶徐公行狀

李翱

曾祖仁徹隋吉州太和縣丞祖玄之皇考功員外郎贈吏部郎中諫議大夫考又皇汾州司戶參軍贈信州刺史京兆府萬年縣青蓋鄉交原里東海徐公年七十公諱申字維降東海郊人永泰元年寄籍京兆府舉進士得秘書省正字初辟巡官于江西又掌書記于嶺南行營哥舒氏之亂平奏授大理評事轉司直兼監察御史賜緋魚袋又充節度判官于朔方改授太子司議郎兼殿中侍御史選授洪州都督府長史時刺史嗣曹王舉江西兵討李希烈故以長史行刺史事任職有成曹王薦之遷韶州刺史四十

餘年刺史相循居于縣城州城與公田三百頃皆爲墟縣

令丞尉雜處人

集作民

屋公乃募百姓能以力耕公田假之

牛犁粟種

集作與字

食所收以其半與之不假牛犁者三分與

其

集無此字

二田久不理草根腐地增肥又連遇宜歲得粟比

餘田畝盈若干凡積粟三萬斛將復築室于州故城令百工之技以其藝來者與粟有差刺史臨視給與吏無所行其私以故人皆便信應募者數千人陶人不知墁而塗有餘圩人不板築而墻有餘築人不操斤斧而工有餘陶者立如初刺史以官屬遷于新城縣令之下各返其室創六驛新大市二道四館器用皆具曲江縣五百人以狀詣觀

察使請作碑立生祠公自陳所為不足述假令如百姓言  
乃刺史職宜如此何足多者不願以小事市蜀本名觀察  
使嘉其讓密以狀聞遷合州刺史其始來也詔之集有人字戶  
僅七千凡六年遷合州及其去也倍其初之數又盈四千  
戶焉初先夫人歿於江西遭賊難未克返葬寓于西原公  
不赴合州表請奉喪歸柩于河南府偃師縣既滄景觀察  
使奏請景州刺史河北之俗刺史闕其帥輒以寮屬將校  
自為之不請者有年矣宰相累進刺史名皆不出及召公  
入言合上旨遂下詔遷朝散郎使持節景州諸軍事景州  
刺史充本州團練使兼御史中丞賜紫金魚袋尋加節度  
副使其明年滄景節度使始朝其二年又朝遂畱詔以其

從父兄代之奏公充行軍司馬公遂以信州府君瑩近漕  
河表求改葬於重山詔許之既徵入京師遷朝散大夫使  
持節都督邕州諸軍事守邕州刺史本管經畧招討使御  
史中丞賜紫如故是歲貞元十七年也詰俚盜除其暴掠  
良聚攻禁下集作不集作如今通蠻夷道責土貢大首領黃氏帥  
其屬納質共賦黃氏周氏韋氏儂氏皆羣盜也黃氏之族  
最強盤亘十數州周儂集作韋集作氏之不附之也率羣黃之兵  
以攻之而逐諸海黃氏既至羣盜皆服於是十三部二十  
九州之蠻寧息無寇害其明年制遷使持節都督廣州諸  
軍事守廣州刺史兼御史大夫充嶺南節度觀察本管經  
畧等使散官賜集作此字如故前節度使毀掌印吏盜授人職



百數謀夜發兵爲亂事覺奔走公至陰以術得首惡殺之不問其餘軍中以安蠻夷俗相攻劫羣聚緣道發輒捕斬無復犯者蕃國歲末互市奇珠璣異香文犀皆浮海舶以來賞貢是供不敢有加舶人安焉商賈以饒二十一年進階銀青光祿大夫元和元年詔加金紫光祿大夫檢校禮部尚書封東海郡開國公食邑二千戶餘如故詔書未至有疾薨于位三佐藩屏之臣五爲刺史一爲經畧使一爲節度觀察使階累升爲金紫光祿大夫爵超進爲開國公官亟遷爲禮部尚書其事業皆足以傳示後嗣爲子孫法享年七十雖不極集作登於上壽儒者榮之前夫人渤海高氏子皆早夭後夫人扶風竇氏封國夫人有子元弼前

右衛倉曹參軍以讀書屬文爲業謹具歷官行事如前伏請牒太常編錄謹狀

正議大夫行尚書吏部侍郎上柱國賜紫金魚袋  
員外郎贈禮部尚書韓公行狀  
前人

魯祖泰皇任曹州司馬祖濬素皇任桂州長史父仲卿皇  
任祕書郎贈尚書左蜀本作僕射公諱愈字退之昌黎某人

生三歲父歿養於兄會舍及長讀書盡能記他生之所習  
年二十五上進士第汴州亂詔以舊相東都留守董平爲  
平章事宣武軍節度使以平汴州晉辟公以行遂入汴州  
得試祕書省校書郎爲觀察推官晉卒公從晉喪以出四  
日而汴州亂凡從事之居者皆殺死武寧軍節度使張建

封奏為節度推官得試太常寺協律郎選授四門博士遷  
監察御史為幸臣所惡出守連州陽山縣令政有惠於

集

于下及公去百姓多以公之姓名

集作命

其子改江陵府法

曹叅軍入為權知國子博士宰相有愛公者將以文學職  
處公有爭先者搆公語以飛之公恐及難遂求分司東都  
權知三年改真博士入省為分司都官員外郎改河南縣  
令日以職分辨於晉守及尹故軍士莫敢犯禁入為職方  
員外郎華州刺史奏華陽縣令柳澗有罪遂將貶之公上  
疏請發御史辨曲直方可處以罪則下不受屈既柳澗有  
犯公由是復為國子博士改北部郎中史館修撰轉考功  
郎中修撰如故數月以考功知制誥上將平蔡州先命御

史中丞裴公度使諸軍以視兵及還奏兵可用賊勢可以  
滅頗與宰相意忤既數月盜殺宰相又害中丞不克中丞  
微傷馬逸以免遂為宰相以主東兵自安祿山起范陽陷  
兩京河南北六七鎮節度使身死則立其子作軍士表以  
請朝廷因而與之及貞元季年雖順地節將死多即軍中  
取行軍副使將校以授之節習以成故矣朝廷之賢恬然  
於所安以苟不用兵為貴議多與裴度相異惟公以為盜  
殺宰相而遂息兵其為耻集作懦甚大兵不可以息以天下  
力取三州尚何不可與裴丞相議合故兵遂用而宰相有  
不便之者月滿遷中書舍人賜緋魚袋後竟以他事改太  
子右庶子元和十二年秋以兵老久屯未滅上命裴丞相

為淮西節度使以招討之丞相請公以行於是公因本官集作此三字兼御史中丞賜三品服及魚三字集作衣魚為行軍司

馬從丞相居於鄆城公知蔡州精卒聚界上以拒官軍守

城者率老弱且不過千人亟白丞相請以兵三千人間道

以入必擒吳元濟丞相未及行而李愬自唐州文城壘提

其卒以夜入蔡州果得元濟蔡州既平布衣栢耆以計謁

公公與語奇之遂白丞相曰淮西滅王承宗膽破可不勞

用眾宜使辨士奉相公書明禍福以招之彼必服丞相然

之公令栢耆口占為丞相書集有明禍福使四字栢耆袖之以至鎮州

王承宗果大恐上表請割德棣二州以獻丞相歸京師公

遷刑部侍郎歲餘佛骨自鳳翔至傳京師諸寺集作百姓時字

有燒指與頂以祈福者公奏疏言自伏羲至周文武時皆

未有佛而年多至百歲有過之者自佛法入中國帝王事

之壽不得能集作長梁武帝事之最謹而國大亂請燒棄佛

骨疏入貶潮州刺史移表州刺史百姓有以男女為人隸

者公計備以償其直而出歸之入遷國子祭酒有直講能

說禮而陋於容學官多豪族子擯之不得共食公命吏曰

召直講來與祭酒共食學官由此不能賤直講奏儒生為

學官日使會講生徒奔走聽問皆相喜曰韓公來為祭酒

國子監不寂寞矣改兵部侍郎鎮州亂殺其帥田弘正征

之不克遂以王庭集作庭下同奏為節度使詔公徃宣撫既行

眾皆危之元稹奏曰韓愈可惜穆宗亦悔有詔令至境觀

事勢無必於入公曰安有受君命而滯留自顧遂疾驅入  
庭湊嚴兵拔刃弦弓矢以逆及館甲士羅於庭公與庭湊  
監軍使三人就位既坐庭湊言曰所以紛紛者乃此士卒  
所為本非庭湊心公大聲曰天子以為尚書有將帥材故  
賜之以節實不知公共徒見語未得乃二集作大錯甲士  
前奮言曰先太史為國打朱滔滔遂敗奔集無走血衣皆  
在此軍何負朝廷乃以為賊乎公告曰兒郎等且勿語聽  
愈言愈時為兒郎已不記先太史之功與忠矣若猶記得  
乃大好且為逆與順利與病二字集不能遠引古事但以  
天寶來禍福為兒郎等明之安祿山史思明李希烈梁崇  
義朱滔朱泚吳元濟李師道復有若子若孫在乎亦有居

官者乎眾皆曰無又曰田令公以魏博六州歸朝廷為節

度使後至中書令父子皆授旄集作節子與孫雖在童幼

集作幼童者以為好官窮富極貴寵榮耀天下劉悟李祐皆居

大鎮王承元年始十七亦仗節皆三軍耳所聞也眾乃曰

田弘正刻此軍故軍不安公曰然汝三軍亦害田令公身

又殘其家矣復何道眾乃謹集作曰侍郎語是侍郎語是

集本不用庭湊恐眾心動遽麾眾散出因泣謂公曰侍郎

來欲令庭湊何所為公曰神策六軍之將如牛元翼比者

不少但朝廷顧大體不可以棄之耳而尚書久圍之何也

庭湊曰即出之公曰若真則無事矣因與之宴而歸之牛

元翼果出及還於上前盡奏與庭湊及三軍語上大悅曰

能集作此字故

卿直向伊如此道由是有意欲大用之王武俊贈太師呼太史者燕趙人語也轉吏部侍郎比令史皆不鎖聽出入或問公公曰人所以畏鬼者以其不能見也鬼如可見則人不畏之矣選人不得見令史故令史勢重聽其出入則勢輕改京兆尹兼御史大夫特詔不就御史臺謁後不得引為例六軍將士皆不敢犯私相告曰是尚欲燒佛骨者安可忤故盜賊止遇旱米價不敢上李紳為御史中丞械囚送府使以尹杖杖之公曰安有此使歸其囚是時紳方幸宰相欲去之故以臺與府不協為請出紳為江西觀察使以公為兵部侍郎紳既復番公入謝上曰卿與李紳爭何事公因自辨數日復為吏部侍郎長慶四年得病滿百

假集作

四集作

日罷既罷以十二月二日卒於靖安里第公氣厚性通論議多大體與人交始終不易凡嫁內外及交友之女無主者十人幼孤養於嫂鄭氏及嫂歿為之服菘集作菘服以服之深於文章每以為自揚雄之後作者不生集作出其所為文未嘗放集作效前人之言而固與之並自貞元末以至於茲後進之士其有志於古文者莫不視公以為法有集二十卷集作四小集十卷及病遂請告以罷每與友友言既終以處妻子之語且曰某伯兄德行高曉方藥食必視本草年止於四十二其踈愚食不擇禁忌集作位為侍郎年出伯兄十五歲矣如又不足於何而足且獲終牖下幸不至失大節以下見先人可謂榮矣享年五十七贈禮部尚書謹

具任官事跡如前請牒考功下大常定謚并牒史館謹狀

故鞏縣令白府君行狀集作白居易

白氏芊姓楚公族也楚熊居太子建奔鄭建之子勝居于

吳楚間號白公因氏焉楚殺白公其子奔秦代為名將乙

丙已降是也裔孫白起有大功於秦封武安君後非其罪

賜死杜郵秦氏憐之立祠廟於集作咸陽至今存焉及始

皇思武安之功封其子仲于太原子孫因家焉故令為太

原人自武安已下凡二十七代至府君高祖諱建北齊五

兵尚書贈司空曾祖諱士通皇朝利州都督祖諱志善朝

散大夫尚衣奉御父諱温朝請大夫檢校都官郎中公諱

鏗字上鍾都官郎中第六子幼好學善屬文尤工五言詩

有集十卷年十七明經及第解褐授鹿邑縣尉歷晉陵縣

尉汜水縣尉集無此洛陽主簿酸棗縣令酸棗有善政本

道節度使令狐章知而重之秩滿奏授殿中侍御史內供

奉賜緋金魚袋充滑臺集作節度叅謀軍府之要多咨度

焉居歲餘公常規章之失章不聽公因晉書移章不辭而

去明年遷授河南府鞏縣令在任三考自鹿邑至鞏縣皆

以清貞靜理聞於一時公為人沉厚和易寡言多可至於

涉是非關邪正者辯而守之則確乎不可拔也大曆八年

五月三日遇疾歿於長安春秋六十有八其年權殯集作

於下集無下邽縣下邑里夫人河東薛氏薛氏集作之父

諱倣河南縣尉大曆十二年六月十九日歿於新鄭縣之

私策享年七十以其年權窆於新鄭縣臨洧里公有子五人長子諱季庚庚世系表同襄州別駕事具後狀次諱季殷徐州沛縣令次諱季軫許州許昌縣令次諱季寧河南府叅軍次諱季平鄉貢進士元和六年十月八日孫居易等始發護靈櫬遷葬於下邳縣集有義津鄉北原而合祔此字焉謹狀

襄州別駕白府事狀

前人

公諱季庚字子申鞏縣府君之長子天寶末明經出身解褐授蕭山縣尉歷左武衛兵曹叅軍宋州司戶叅軍建中元年授彭城縣令時徐州為東平所管屬本道節度使反反之狀先以勝兵屯埧口絕汴河運路然後謀東窺江淮

朝廷憂虞計未有出公與本州刺史李洧潛謀以徐州及

埧口城歸國反拒東平東平令集作遺驍將信都崇敬石隱

金等率勁卒二萬攻徐州徐州無兵公合吏民得千餘人

與李洧堅守城池親當矢石晝夜攻拒凡四十二日而諸

道救兵方至既而賊徒潰運路通首挫逆謀不敢東顧繇

是徐州一郡七邑及埧口等三城到于今訖不隸東平者

實李洧與公之力也德宗嘉之命公自朝散郎超授朝散

大夫自彭城令擢拜本州別駕賜緋魚袋仍充徐泗觀察

判官故其制云今徐州集無州將忠謀翻然仗順叶

其誠美共贊國集作良圖我懸爵賞候茲而授宜加佐郡之

命仍寵殊階之序貞元初朝廷念公前功加檢校大理少

卿依前徐州別駕當道團練判官仍知州事故其制云嘗  
宰彭城挈而歸國舊勳若此新寵茂如集有不延厚於忠

臣將何勸於義上宜從亞列再貳徐方秩蒲又除檢校大

理少卿兼衢州別駕秩蒲本道觀察使皇甫政以公政績

聞薦又除檢校大理少卿兼襄州別駕貞元五集作十

集作月二十八日終於襄陽官舍享年六十有六其年權

窆於襄陽縣東津鄉南原至元和六年十八日嗣子居易

等遷於下邳縣義津鄉北原從華縣府君宅兆而合祔焉

夫人潁川陳氏陳宜都之后後祖諱璋利州刺史考諱潤坊

鄆城縣令妣太原白氏陳氏集作無兄弟弟妹八歲丁鄆

城府君之憂居喪致哀主祭盡敬其情理有過成人者中

外姻族咸稱異之十五歲事舅姑服勤婦道夙夜九年追

于奉蒸嘗睦娣姒待賓客撫家人又三集作二是十三年禮無

違者故中外凡為家集作婦者皆景慕而矜刑焉及別駕

府君即世諸孤集作尚幼未就師學陳氏集作親執詩書

威集作夜教導恂恂善誘未嘗以一呵一扶加之十年之

集作餘字間諸子皆以文學仕進官至清近實夫人慈訓所致

也為女孝如是為婦順如是為母慈如是舉三者百行可

知矣建中初以府君彭城之功封潁川縣君元和六年四

月三日歿于長安宣平里第享年五十有七其年十月八

日從先府君祔于皇姑焉有子四人長曰幼文前饒州浮

梁縣主簿次曰居易前京兆府曹參軍翰林學士次曰行

日從先府君祔于皇姑焉有子四人長曰幼文前饒州浮



簡前祕書省校書郎幼子金剛奴無祿早世初高祖贈司空有功於北齊詔賜莊宅各一區在同州同城縣至今存焉故自司空而下都官郎中而上皆葬於同城今以下邽縣不便遂改卜鞏縣府君及襄州別駕府君兩塋於下邽縣義津鄉北原其兩塋同北域而異封樹蓋從時宜且叶吉也謹狀

校正一百十八字

七月十四日

文苑英華卷第九百七十六

文苑英華卷第九百七十七

行狀七

行狀

工部尚書致仕崔滌行狀一首

左金吾大將軍柳晟行狀一首

浙江西道觀察使崔郾行狀一首

吏部侍郎沈傳師行狀一首

銀青光祿大夫守工部尚書致仕上柱國中山郡

開國公食邑二千戶贈陝西大都督傅陵崔公行

狀

呂溫

曾祖諱承福皇朝太中大夫廣越二府都督祖諱先意皇朝朝議大夫鄧州刺史父諱嶽皇朝朝議大夫鄭州長史

贈左散騎常侍狀斧藻天理立為人極敬終端本彼所以  
 將就誠明褒歿勸存此所以砥礪名教然而以道行已晦  
 而彌光大君子之行也以法考行直而無黨賢有司之職  
 也且曰獻狀則唯所知公清莊而和博厚而敏岐嶷而夙  
 茂羈貫集作非而老成性約情充靜專動直出入孝悌周旋  
 忠信始以經明上第調佐夏陽次以詞麗甲科超尉王屋  
 事迫於官而舉言迫於事而揚欲藏智而蒙滯來求不近  
 名而聲華見逼故相左僕射張公時尹洛京首得才實洎  
 鎮荆蜀致於幕庭再兼理官專領記室捷集作健筆良畫二  
 邦有聞旋遣內艱毀瘠僅立善居得禮族黨稱之免喪之  
 歲天子南狩大尉西平王大會兵車將圖匡復公首膺辟

任濬發義心琴未成聲履及於路感激而將星芒怒謀讓  
 而兵糧廓清翠華既還優典斯及拜殿中侍御史時有龍  
 臣為京兆者政以暴聞吏有冤弊公表陳枉直仗閣待旦  
 言忠主悟事寢風生以繩違稱職轉侍御史以求瘼慎選  
 為華原令大兵之後早歲為虜公勞徠不倦弛張以宜復  
 流庸於潤屋闢曠土為多稼俄改歙州刺史地雜歐駱號  
 為難理下車而簡其約束朞月而明其信誓然後破散谿  
 聚剪鋤山豪既去害羣之奸遂寧挺集作挺險之俗徵拜長  
 安縣令威聲先路不肅而理銜刃餘地所投皆虛擢同州  
 刺史國圖歉於豐量賑為糴號里倉者三百所而凶年備矣  
 戒以暴骸諭之速朽成薄葬者九百家而奢俗懲矣都人

有豪奪鄉悍陰持吏失朋構訟集作獄累政患之集作公所患公

斷以尋斧破其囊橐人樂其殺而法制行焉郡城自禦寇

之餘復隍殆盡朝貢所經夷夏何仰公悅使襁負大輿版

築下不知役而扁固立焉其餘則去思有碑詳在篆述可

覆視也朝議陟明遷於陝服封介晉楚寄分函洛而戒備

不脩兵庫虛閉公乃鳩工以利器閱實以練卒金革中度

義勇知方既而有淮西之役晨令暮具凜然而可觀矣河

出城下造舟為梁經費集作始匪工敗决相繼公乃沉石而

雙固中止省艦而三分巨流集作渠派水與意會勢若天成既

而有奔濤之沴智勝功顯終然而無害矣其餘則三降靈

書就加爵秩是明徵也移疾入覲貳職冬官歸載不過

書晉府盈乎粟帛豐公約私於是乎在至既陳乞以尚書

致仕集作政室不交要路之賓口不言當代之事就陰委順

談者多之公自解巾至於撒樂思不踰矩動無集作越思

以忠貞為仕模以勤儉為家訓身居侯邸清節如初男降

王姬素風愈厲羈孤聚室人各忘其亡布褐分庭士不知

其貴體溫柔而事至能斷性坦易而物莫得窺集作當官

不務於名聲所去必遺其功利毗謹尚在時論可徵已踰

書葬之期請舉易名之典謹狀

元和三年四月日故銀青光祿大夫守工部尚書致仕贈

陝州大都督博陵崔公從禰集作甥朝議郎司封員外郎

上騎都尉賜緋魚袋呂溫謹上

大宛...

尚書考功夫立身之道始於君親中於其人終於其身若  
府君者居喪有聞臨難有功善其始也勤於官業惠於鰥  
寡敬其中也家事以理年至而退謹其終也率是三懿光  
于前訓以咨謚法無媿至公謹狀

銀青光祿大夫檢校戶部尚書左金吾大將軍兼  
御史大夫上柱國河南縣開國公食邑二千戶贈  
紫金魚袋太子少保柳公行狀 沈亞之

為漢中宿賓撰

魯祖該皇任陵州錄事參軍贈陵州刺史祖岑皇贈祕書  
監父潭皇太僕卿駙馬都尉贈司空狀公諱晟其先河東  
人也肅宗時詔取儒賢配主其父以門業集作中選拜太

僕卿尚和政公主主及太僕繼喪而公年始十二孝聞宮  
姻既去喪代宗憐之召養宮中令與皇太集無子諸王俱

受學故公得通籍中禁詔以吳大瓘為之師又以大瓘子  
通玄通微互為助教令十日考學績責集無勸所進乾元

初除尚舍奉御得歸故邸又詔吳大瓘通玄通微令就舍  
授學廣德中加檢校太常卿賜佩金魚及德宗即位以公

故奉銅輦將欲加賜遷官集作未幾而厲車西狩矣公徒  
走會難奉天因泣奏曰臣願得尺詔持而入東都購其豪

人以為效德宗嘉集作其忠賜詔如奏公於是備裝入賊  
軍中見賊偽右將軍郭常左將軍張光晟公大說曰陰潦

之災魚鱉遊其堦壇即賜光赫明是輩不知枯挂之地者

公等寧能從其挂哉乃出詔示常等皆奉詔伏興集作誓

約所歸未及期會樞籍宦官朱既昌陰以公之狀飛告泚

遂為泚捕繫定死矣泚詰二將詞不伏即徙於外獄稍寬

之有頃賊兵累敗守吏益怠公因其共繫者十餘人謀相

與脫其錮髡而走之奉天德宗為之撫背流涕明日乘集

宸輿幸漢中公奉轡至南梁還拜原王府長史貞元六年

改嘉王府長史其後集作歲餘翰林舍人吳通玄謫死公為疏

陳雪再進不得命公澧之季止公曰上方怒寧可為也公

不聽公章卒三貢於是德宗寤之謂公見義不回賜書寵

勞竟雪通玄改澧州別駕十一年入為少將作永貞初遷

大將作加朝請大夫起崇陵功以檢校左散騎常侍君使

內作封河東縣開國子食邑五百戶又加銀青光祿大夫

起豐陵功贈上柱國元和初西蜀叛發岐隴邠涇朔方太

原及山東六郡之卒皆屬長武軍詔以高崇文討之既誅

三蜀大困而漢中最險狹益不能賑輸所奉中朝以公集

器用當濟遂拜工部尚書兼御史大夫持節帥漢中始詔

諸征蜀卒各還故部而獨以漢中卒三千人移戍梓州其

卒以為始去父母鄉里既勞而歸及境乃不得見其閭亦

以公集無此字功自賴今則徙之謂若謫耳皆蜂集作鋒奮食所

引刃援弓迫中貴人時公行未及郡聞之遂乘驅倍走往

其所先勞之苦集作辛勞已乃問曰君等何以而成功乎

俱曰某等伐關耳又問曰關何以而得伐俱曰驕不受指

俱曰某等伐關耳又問曰關何以而得伐俱曰驕不受指

於天子公曰君等既知闕以不授指而得伐又親滅之而得功反不授指耶今不授指即受滅也集作矣是卒皆免胄

匍匐遂行所徙歲餘復入為大將作使匈奴先是戎相出

視國使必自據偃以相辱傲公之知乃先謂曰聞若等常

以去信為強亡禮自大禮信不為誠不仁也何足奉吾國

乎於是單于諸王貴人聞之愕然失恃皆莫能辭見則改

容跪伏遂致天子之命約信成禮而歸拜金吾右將軍始

得居公爵益封千五百戶加為大金吾九年加戶部尚書

以大金吾為左將軍元和十三年三月九日歿享年六十

九上聞之一日廢聽奏詔令集作命從官臨弔之賜賻粟帛

贈太子少保強辯多學謙下好問因危以致其節見義不

顧其私輸公之急某從寮其門備得前行謹以所聞所見

實錄於斯謹狀

元和十四年七月十七日狀

銀青光祿大夫檢校禮部尚書兼御史大夫充浙

江西道都團練觀察處置等使上柱國清河郡開

國公食邑二千戶贈吏部尚書崔公行狀

杜牧

魯祖綜皇任醴泉縣令祖佶皇任太子中允贈右散騎常

侍父僊皇任檢校吏部侍郎集作郎中兼御史中丞袁州刺史

贈太師公諱郾字廣畧風儀秀偉神深氣集作氣深厚即之如

鑑望之如春既冠識者知不容於風塵矣貞元十二年進

士集作中第十六年平判入等授集賢殿校書郎陝虢觀

察使崔公琮願公為賓而不樂之挈辭載幣使者數返公

徐為之起且曰不關上聞攝職可也受署為觀察巡官後

轉京兆府鄠縣尉遷監察御史殿中侍御史刑部員外郎

下邳國太夫人憂杖而能起人有聞焉外除拜吏部員外

郎判南曹事千人百族必應進而進公親自挾格肖法必

番戾程必黜每懸榜舉牘富室權家汗而仰視不敢出口

宿吏逡巡縛手係舌願措一奸不能得之凡二年遷左司

郎中加散朝大夫旋拜諫議大夫兼知匭使穆宗皇帝春

秋富盛稍以畋遊聲色為事公晨朝正殿揮同列進而言

曰十一聖之功德四海之大萬國之眾之治之亂唐書本傳作治

其懸於陛下自山以集作東百城千里昨日得之今日失

之西望戎壘距宗廟十舍百姓憔悴蓄積無有願陛下稍

親政事天下幸甚誠至氣直天子為之動容斂神慰而謝

之遷給事中敬宗皇帝始即位旁求師臣今相國竒章公

上言曰非公不可遂以本官充翰林侍講學士命服紫金

旋拜中書舍人仍兼舊職侍帝郊天加銀青光祿大夫高

承簡罷鄭滑節度使滑人仰集作闕乞為承簡樹德政集

政碑內官進曰翰林故事職由掌誥學士上曰承簡功臣

胤也治吾咽喉地克有善政罷而請紀入人深矣吾以師

臣之辭且寵異焉居數月魏博節度使史憲誠拜章請集

請為故帥田季安樹神道碑內官執請亦如前辭上曰魏

字

北燕趙南控成臯天下形勢集作勝地也吾以師臣之辭且

尉安焉居數月陳許節度使王沛拜章乞為亡父樹神道

碑內官執請亦如前辭上曰許昌天下精兵處也俗忠風

厚沛能撫之吾視如臂吾以師臣之辭而彰其忠孝焉是

三者皆御札命公令刻其辭恩禮親重無與為比歷歲願

出守本官辭懇而禮部缺侍郎上曰公可也遂以命之二

年選士七十餘人大抵後浮華先行實轉兵部侍郎今上

即位四年公亟請於丞相問曰顧得一方疲人而治之除

陝虢觀察使兼御史大夫先是陝之官人必月尅俸錢五

千助輸貢于京師者歲至八十萬公曰官人不能贍私安

能卹民吾不能獨治安可自豐即以常給兼使雜費下至

集作封

于鹽酪膏薪之品十去其九可得八十萬歲為代之官人

感悅隨至短長不忍為欺萬國西走陝實其衝復有江淮

梁徐許蔡之戍兵北出朔方上郡回中汧隴間踐更往來

不虛一時民之供億吏須必應生活之具至于餅缶金筋

集作是常碎於四方之手公曰此猶束炬以焚民也於是節

宴賞截浮費凡金漆陶木絲象之用悉為具之可饗數千

人氏一不知復有詔旨支稅粟輸太倉者歲數萬斛如歛

民也遠遠近近就積佛寺終輸于河復籍集作籍民而載之

民之巨牛大車半頓于路前政咸知計不能出公曰管仲

曰粟行五百里民有饑色斯言粟重物也不可推遷民受

其弊况今迂直之計有不超五百里乎公乃大索有無親



執籌而計之北臨黃河樹倉四十間穴倉為槽下澍

集作注

于舟因隙償集作賞非直不敗時務自壯者斛勿者斗負挈囊

裹委倉而去不知有輸他境之民越逸奔走駢軫爭鬪願

為陝民政成化行上國下國更口贊頌凡二年改鄂岳安

黃蘄申等州觀察使囊山帶江三十餘城繚繞數千里洞

廷百越巴蜀荆漢而會注焉五十餘年比集作此非有蔡盜於

是安鑠三關鄂練萬卒皆儉楚善戰浸有戰風稱為難治

有往自集作自往矣公始臨之簡服伍旅修理械用親之以文

齊之以武大剏廳事以張威容造蒙衝小艦上下千里武

士用命盡得羣盜公曰劫於水者以盡殺為習雖值童者

而無捨焉比附他盜刑不可等於是一死之內必累加之

盜相誠曰公之未去勿觸其境然後黜并奸冒用公法也

升陟廉能用公舉也撫護窮約用公惠也豪商大賈不得

輕役不得隱田父子兄弟不得同畎於是闔境之內有餘

不足自公而均復建立儒宮置博士設生徒廩餼必具頑

惰必遷敬讓之風人知家習八年秋江水漲溢公曰安得

長堤而禦之言訖負集作軍士齊民雲鍾兩杵一揮立就令

行恩結有如此者千里之內如視堂廡雖僻左下里歲臘

男子必以鷄黍賀饋女子能以簪珥相問遺富樂歡康有

於治古凡五年遷浙西觀察使加禮部尚書公曰三吳者

國用半在焉因高為旱因下為水者六歲矣經賦兵役不

減於民上田沃土多歸豪強苟悅所謂公家之惠優於三

代豪強之酷甚於亡秦今其是也於是料民等第籍地沃瘠集作均其征賦一其徭役經費宴賞約事裁節民有宿

逋不可減於上供者必代而輸之誠禱山川歲獲大稔復

曰衣冠者民之主也自艱難已來軍士得以氣加之商賈

得以財侮之不能自奮者多栖於吾集作吳土遂立延賓館

以待之苟有一善必接盡禮因訪里閭必集作益知民之疾

苦隨以理之纔逾朞歲而吳民復振開成元年十月二十

日薨于治所多士相弔曰使公相天子貞觀開元之俗可

期而見也豈公不幸實生民之不幸也主上痛悼輟朝一

日贈吏部尚書公生知集作得靈和自干名立朝為公卿為

侯伯未嘗須臾間汲汲牽率欲顯名於合道而仁義忠信

明知恭儉鬱積發溢自然相隨不立結約集作約而善人自

親不設溝壘而不肖自遠不志於榮達而官位自及公內

外閥閱源流集作瓜清顯授於甲族而復甲焉親昆仲六人

皆至達官公與伯兄季弟五司禮闈再入吏部自國朝以

來未之有也上至公相方伯下及再命一命幕府陪吏之

屬遍蒲內外皆公門生公俯首益恭如孤臣客卿惕惕而

多畏也自為重鎮苞苴金幣之貨不至權門親戚舊故周

給衣食畢其婚喪悉出俸錢不以家為在家怡然未嘗訓

勉子弟自化皆為各人居室卑痺不設步廊賓至值兩則

張蓋躡屐而就于外位初鎮于陝或東挺經月不鞭一人

至于驛馬令五歲幸全則為代之著為定制曰致一物於

...

必窮之地君子不爲其爲仁愛而臻於此及遷鎮鄂渚嚴峻刑法至於誅戮未嘗貫一等後一刻或問於公曰陝鄂之政不一俱臻於理何也公曰陝土瘠民勞吾撫之不暇尚恐其驚鄂之土沃民剽雜以夷狄非用威刑莫能致理政貴知變蓋謂此也聞者服焉嗚呼公之德行材器真哲人君子沒而不朽者也易名定謚爲國常典敢書光集作先烈達于執事附于史氏云爾謹狀

尚書吏部侍郎贈吏部尚書沈公行狀 前人

曾祖某皇任泉州司戶叅軍祖某皇任婺州武義縣主簿贈屯田員外郎父濟皇任尚書禮部員外郎贈太子少保公諱博師字子言明春秋能文工集作攻書未弱集無此字冠知

名我烈祖司徒岐公與公先少保友善一見公喜曰沈氏有子吾無恨矣因以馮氏表生女妻之貞元末舉進士許公孟容爲給事中權文公爲禮部侍郎時稱權許進士中否二公未嘗不相聞於其間者今其年禮部畢事文公詣許曰亦有遺恨曰爲誰曰沈某一人耳許曰誰家子某不之知文公因具言先少保名字許曰若如是我故人子後數日徑詣公且責不相見公謝曰聞於丈人或拔致中策是累丈人公舉遺其集作違孤進故不敢自達許曰至集無此字如公者可使我急賢詣公不可使公因舊造我明年中策文公門生七十人時人比公爲顏子聯中制策科授太子校書郎鄆縣尉直史館左拾遺左補闕史館脩撰翰林學

士歷尚書司門郎中二字集作員外郎司勳兵部郎中中書舍人

命服朱紫時穆宗皇帝親任學士時事機秘多考決在內

必取其長循為宰相公之密補弘多同列每欲面陳拜章

皆互來告公必取規議用為進退歲久當為其長者凡再

公皆逡巡不就上欲面授之公奏曰學士院長參議大政

出為宰相臣自知必不能為凡宰相之任非能盡知天下

物情苟為之必致敗撓况今百姓甚困燕趙適亂臣以死

不敢當願得治人一土集作方為陛下長養之因出稱病集作

疾特降中使劉泰倫起之公稱益篤故相國李公德裕與

公同列友善亦欲公之起詞說甚切公終不出因詔以本

官兼史職出歸綸閣久處密近思効用於外歷集作懇請於

丞相不已由是出為湖南觀察使兼御史大夫凡三集作

歲轉為此下諸疑本並同疑有脫逸按舊唐書沈傳書人

困事繁惡易滋長官人調授少得防寬遠二字集作寬䟽通蹊

逕人情物理無不曲盡吏欲為欺於此照驗之端必明於

彼民有未伸於彼開張之路必在於此疊疊循環皆極根

本為集作尤重刑罰杖十五至于死者每有一犯必具獄斷

刑之後遍示幕府吏雖十人有一人以為小未可者必再

詳究經費遊宴約事裁節歲有水旱不可減於常貢者必

為代之江西宣州聯歲水災所貸萬計公善養性情自居

方伯生殺之任喜怒好惡是四者閉覆渾然雖終歲伺之

不見毫髮故黠吏欲賊公之所向高下其事終不可得每

...

處一事未嘗不從容盡理故所至之處富庶懽康理行第一每去任人吏泣送出境不絕自宣城入為吏部侍郎二

年考覈集作覆搜舉品第倫比時稱精能宰物之望屬於僉

議公每願用所長復治集作理於外及薨于位知與不知莫

不相弔上悼惜輟朝一日贈吏部尚書與公先少保俱掌

國史撰憲宗實錄未竟出鎮湖南詔以隨之成於理所時

論榮之公生得靈粹沛然而仁自幼及長未嘗須臾間汲

汲牽率欲及於道温良恭儉明智忠信內積外溢自然相

隨自布衣至於達官凡所交友皆當時名公獎美所長復

救所不及三十年間無有携間者公常居中雖有重名每

苦於飢寒兩求廉鎮時宰許之皆先要公曰欲用某為從

事可乎公必拒之至有怒者公曰誠如此願息所請故三

集作二鎮幕府皆取孤進之七未嘗有吏一人因權執入嘗

擇邸吏尹倫倫顛滯闕事寮佐多言集作憲之因請易之公

曰某出京師面誠倫曰止可闕事不可多事是倫適能如

此受不虛矣故三集作二鎮號為富饒凡十年間權勢貴倖

之風不及於公耳苞苴寶玉之賂亦不至於權門雖有怒

者亦不敢以言議公公然一作前後侵公其為守道自得皆知

此類在家無杖笞呵責家人自化兄弟生姓雖絕服者入

門飲食衣服指使其奴婢無二等親戚故舊周給所得皆

出俸錢不以家為於京師開集作問化里致疑作置第價錢三

百萬訖三一作二鎮牽率蒲之及在床之日周身之飾易以

百萬訖三一作二鎮牽率蒲之及在床之日周身之飾易以

宜集作

蘇東坡集卷之七 七 李于

任器京師仕一作人雜然言議以為非今日之有指為異

事嗚呼公之德行可以稱古之集無君子矣牧分實通家

義惟集作先執復以彛昧集作叨在賓席幼熟懿行長奉

教集作涕譔記以備闕以附于史氏云爾謹狀

校正六十九字 七月十四日

批受不

曰某出京

辨泐史廿

兼非真幕

畢何平公

文苑英華卷第九百七十八

祭文

交舊一

祭荆州刺史陰道方文一首

祭處士仲長子光文一首

祭劉少監文一首

祭郝少保文一首

祭陸郵縣文一首

祭邠陰公文一首

祭趙郎將文一首

祭梁宣王文一首

祭魯忠王文一首

祭汝南王文一首

祭杜學士審言文一首

祭楊盈川文一首

祭王城門文一首

祭荆州刺史陰道方文

魏收

維太昌元年十二月庚申朔越十二日辛未友人鉅鹿魏  
收謹以清酌少牢之饌敬祭于荊州刺史陰君之靈嗚呼  
哀哉惟君世載不殞英聲在茲風流有屬自爾弘之孝為  
行本忠實身基既言斯立罄禮窮詩器則清賞才惟英博  
於暢風雷蕭條丘壑顧言朝市忘懷淡薄比契沉冥均情  
寂寞往塵守官及爾同僚墳窟合韻琴瑟俱調丹墀踵武  
清道齊鑣跡淪閑曠心共津濠乃眷平生相忻多趨殷勤  
宴喜流連辭賦溢矣不追長違世務詠歌徒在音徽空樹  
昔猶肢體與子裘裳今其往也生死殊方形骸何促天地  
何長申茲沃醑贈以哀傷嗚呼哀哉

祭處士仲長子光文

王勣集作續

歲月日隣人王勣集作續謹以魚醴之奠敬祭仲長先生之  
靈曰明道若昧進道若退鳥飛知還龍亢必集作若悔嗟嗟  
夫子理融其內不伎不求無憎無愛古人有言微妙玄通  
藏用以密養正以蒙嗟嗟夫子允執其集作厥中不見其始  
孰知其終蕩蕩心跡集作止足悠悠默語周覽人事退居河渚  
何去何從誰求集作藥誰與聊同聚散亦均寒暑大矣夫子  
其生若浮至矣夫子其死若休鄉黨不懼朋友集作友朋不憂  
素琴猶在黃經尚留耆老來集作不婚梁鴻難偶筵無饋奠  
室無箕箒嗟嗟夫子豈圖其後金玉蒲堂莫為之守集作道為  
友凡我故人素服臨旛蒿巾從窆桐棺以遷墳不易壠坎  
不及泉苟無恒集作恒化于何問天道性既喪仁義鋒起祭

非古也。禮之為始，吾從其俗。敢告夫子，清樽薄奠，神其歆止。

為薛令作祭劉少監文

楊炯

中書令河東薛某，謹以清酌中牢之奠，敬祭故少監劉公之靈。惟此陶唐，有此冀方。上天祚漢，人神攸贊。開國承家，枝分葉散。三貂赫赫於臺省，駟馬緩緩於里閭。德之有隣，吐符兮降神。家之積慶，受祿兮宜君。星躔可以衝南越，龍邑可以質集作質西秦。言鄭公之不死，謂張衡之後身。雍州為積高之地，初登吏部尚書，即喉舌之端。始拜郎官，見天子而題柱，侍明光而握蘭。入麒麟之閣，圖書掌於河洛。測璇玉之璣，造化窮於制作。大風積也，方絕於雲天。有力負

集作  
主吏

之生，悲於溝壑。嗚呼哀哉！言念平生，求其友聲。適我願兮，共得朋從之道。又吾姨也，俱承下嫁之榮。良辰美景，必窮於樂事。茂林修竹，每叶於高情。援菹蘭而無愧，指金石以當行。誰言倏忽，遽隔幽明。人非兮地是，心折兮骨驚。日兮先遠，陰靈凝兮歲將晚。臨平交兮望行幘，君一去兮何時返。石室兮沉沉，蓬萊山兮寂又陰。蒼烟漫兮紫苔深，陳絮酒兮涕沾襟。嗚呼哀哉！

詹事府官寮祭郝少保文

前人

少詹事鄧玄機，末昌令令狐恩。府司直王思善，楊炯主簿。鄭行該等，謹以清酌庶饌之奠，敬祭太子少保郝公之靈。若夫星象降質，山川受氣。以道為尊，以和為貴。軒后夢之



非古也禮之為始吾從其俗敢告夫子清樽薄奠神其歆止

為薛令作祭劉少監文

楊炯

中昔令河東薛某謹以清酌中牢之奠敬祭故少監劉公之靈惟此陶唐有此冀方上天祚漢人神攸贊開國承家枝分葉散三貂赫赫於臺省駟馬緩緩於里閭德之有隣吐符兮降神家之積慶受祿兮宜君星躔可以衝南越羆邑可以質集作質西秦言鄭公之不死謂張衡之後身雍州為積高之地初登吏部尚書即喉舌之端始拜郎官見天子而題柱侍明光而握蘭入麒麟之閣圖書掌於河洛測璇玉之璣造化窮於制作大風積也方絕於雲天有力負

集作主吏

之生悲於溝壑嗚呼哀哉言念平生求其友聲適我願兮共得朋從之道又吾姨也俱承下嫁之榮良辰美景必窮於樂事茂林修竹每叶於高情援茝蘭而無愧指金石以當行誰言倏忽遽隔幽明人非兮地是心折兮骨驚折日兮先遠陰靈凝兮歲將晚臨平交兮望行幘君一去兮何時返石室兮沉沉蓬萊山兮寂又陰蒼烟漫兮紫苔深陳絮酒兮涕沾襟嗚呼哀哉

詹事府官寮祭郝少保文

前人

少詹事鄧玄機末昌令令狐恩思府司直王思善楊炯主簿鄭行該等謹以清酌庶饁之奠敬祭太子少保郝公之靈若夫星象降質山川受氣以道為尊以和為貴軒后夢之

於大澤之王卜之於清渭實馮舟楫之功集作必藉塩梅  
之味昭昭北斗宮號文昌隱隱西掖池名鳳凰增萬機而  
參政本定五字而對休光珥豐貂之鞞鞞識遺佩之鏘鏘  
懸車之歲方稱國老步輦之榮遂居師保劉蕃以光祿緝  
訓和嶠以尚書贊道百年方享於期頤五福與徵於壽考  
西山訪藥北壁尋經金丹不化玉釜何成梁木斯壞曲池  
坐平府庭颯而變色察屬慘而相驚嗚呼哀哉玄機等親  
聞教義夙承提獎懷德音之不忘痛丹壑之長往門館間  
寂簾帷彷彿莫行潦之蘋繁庶明靈之降饗嗚呼哀哉

為梓州官屬祭陸鄆縣文

前人

維垂拱二年太歲景戌正月壬寅朔二十二日癸亥長史

劉某謹以清酌庶羞之奠敬祭陸明府之靈夫萬里之  
猶使飲淚成血思德音之斷絕况百年之分能不憂心如  
薰想公子兮氛氲惟彼積德挺生夫君天垂白氣地發黃  
雲江則有沱集作泥是為國之紀居傳其政愛人如子山則有  
梁鎮集作國茲一方君弘其道視人如傷久勞于外路阻且  
長集作未暮月人之云云嗚呼哀哉哀哀弱嗣朝暮一溢皎  
皎孀妻饋乎下室蜀門如劔長安如日歸路何從我心如  
疾嗚呼哀哉凡我在位羈官邊城共戮力兮誰言死  
生思其人兮造其庭恍無見兮寂無聲稱傷兮酌酒心折  
兮骨驚嗚呼哀哉

祭汾陰公文

前人

羅大唐光宅之六祀太歲甲申冬十有二月戊寅朔丁亥

御辰楊炯以采毛清酒集作酌之奠敢昭告于故中書令汾

陰公之靈靈字集作貴神嗚呼哀哉惟公含純德而載誕兮稟元

精而秀出集作特秀非備百行而立身兮半千年而委質屬天

地之貞觀兮逢聖人之得一若夔龍稷禹之寅集作翊亮舜

朝兮若肖曹魏邴之謀猷漢室懸大名於宇宙兮立大勳

於輔弼如何斯人而有斯疾曾未遐壽中年殞疑作殞卒嗚

呼哀哉若夫家傳寶鼎地闢金構集作構文則屬詞而比事兮學

則八索而九丘入則東藩之上相兮出則南面之諸侯集作

通唯盡善兮未善固雖休而勿休既知退而知進兮亦能

剛而能柔大才則九功惟叙兮大智則萬物潛周崇德廣

業兮樂天知命而不憂嗚呼哀哉門館虛兮寂寞歲窮陰

兮搖落備物儼兮以集作如存光靈耿兮焉託聖總帷與祖

帳兮罷歌臺與舞閣天子惜其毗余兮羣臣思其可作嗚

呼哀哉俯循兮弱齡叨襲兮簪纓公夕拜之時也既齒跡

於渠閣公春華之日也又陪遊於層集作郡城參兩宮而承

顧盼兮歷二紀而洽恩榮郭有道之青集作題目兮蔡中郎

之下迎倏焉今古非復平生無德不報兮願摩頂而至足

有生必死兮空飲恨而吞聲天慘慘兮氣冥冥月窮紀兮

日上丁籍白茅兮無咎和黍稷兮非馨嗚呼哀哉

為李總管祭趙郎將文

駱賓王

姚州道大總管李義祭趙郎將之靈惟靈降精辰象委質

昌期棄筆文場早徇封侯之志影纓武帳坐昇戎秩之榮  
真甫屬須補挺祆集作昆池習戰應星文而動將奉天罰

以揚威不能弘廟筭於五集作戎叶神謀於九變致使集

令王師失律凶狡憑陵雋亢南臨同五谿之深入叩關北

阻類雙嶠之不歸亭候多虞故有負於明代春秋責帥豈

無愧於幽途悲夫任賢與能明君之事也陳力就列忠臣

之義也郎將雖見危授命固誠節之有餘臨難圖集作機

何智謀之不足嗚呼哀哉義猥以散才謬專分闡途經夷

落路踐戎場停疲驟於九泉悲來有地痛遺骸於四野泣

下無從暫輟征旅之勤爰崇掩骼之義庶幽靈有托梧丘

息入夢之竟壯士不還薤露起送終之曲嗚呼哀哉九真

邊微萬里長安城危踈勒山峻羊蘭因原為隴即壤成楮

夕陰低而平蕪晦秋風急而荒以寒嗚呼哀哉異域幽埏

但見新栽松栢他鄉古木非復舊邑枌榆感平生其若集

作在聊申絮酒儻聰明之不昧式或集作薦單集作醪

為宗尚書祭梁宣王文

宋之問

維大唐景龍元年歲次丁未十月乙未朔四日戊戌兵部

尚書宗楚客弟將作大匠秦客等謹以清酌庶羞之奠致

祭于梁宣王之靈惟王神岳降靈英姿濟代在周錫梁社

之寵翊唐有代邸之勲不謂業在必安而釁生非意賊臣

結黨大集作黷宸闈逆子弄兵輕集作誣懿戚密謀奉主

惟以國家為心飛集作禍及門讎令父子併命九重軫念

惟以國家為心飛集作禍及門讎令父子併命九重軫念

悼舟楫之埋沒百辟興嗟愴衣冠之殄悴楚客等早承輝

眄夙忝集作奉娛遊姻屬謬接於葭莩兄弟竊方於鴈集作橘

序叨列五等同事兩朝昔以高義銘心今猶德音在耳嚴

慈未往伯季凋零友睦申於長昧成立冀於猶子而家不

悔禍俱斃仇人集作讐入私庭而痛深過王門而悲極竹池

舊賞看鴈鷺之猶歸蒿里新歌恨天人之未逝嗚呼哀哉

九原撰日萬古營冤士集作人悲高駕帝慟津門殯集作殯賢

輔而星坼一作折害良臣而霧昏想平生之如此集作在庶髮

髴於斯樽尚饗

為宗尚書兄弟祭魯忠王文

前人

維景龍二年歲次戊申月日兵部尚書楚客弟將作大匠

秦客等謹以清酌之奠敢昭告于魯忠王之靈惟玉寶樽

因地瑤林肅集作蔽天靈資海岳質冠神仙德潤猶雨機清

若泉不孤大造集作小年百身豈贖四序云變茲軫

玉宸悲盈金殿令德彌秀微容難見悼前歲之今日共街

酸於隙電錦鸞失偶臺鳳悲隻玳席賓空金鄉戶間徑不

踐兮苔紫庭不遊兮草碧敢申賦於童叟痛平生之姻戚

嗚呼哀哉鴈池送夏馬埒迎秋露白天淨雲低隴愁恨名

王之淪枉悲促運之浮休蓄哀思而成泣憑聰明而致羞

小山一平兮多桂樹故人雖在今罷蘭遊心追往而將絕

淚橫目兮集作而難收嗚呼哀哉尚饗

為韋特進已下祭汝南王文

前人

維大唐景龍二年歲次戊申月日某官某等謹以清酌之

奠祭祭字集作于汝南王之靈相門踵德王實挺生天資

溫克神與聰明人稱玉樹我嗣金籬芝庭欲秀桂林將逐

惟彼鴈堂集作墜茲鴻陸魅奪精氣墳迷草集作木漢皇

纂錄周母參功夷夏集作昭洗幽明感通九覓見日一葉

隨風孝極先妃丹旒前歸集作慈敷諸季素旒集作相次楚毗

啜泣秦人下淚荆分自久棣落無餘悲炎海之下制惟集

懷觀津之上書為忌南而跼水鴈愛北而隨車嗚呼凡在

枝戚衍恩極遍寵賁濯龍榮同化鷲獨傷元子冥冥無見

玉宸下感金屋增悲珠亡禍速沙崩慶遲綠車為贈黃泉

各集作思官舍攸止先塋甫託齊國返塋隨原可作靈之

歸來無惑既駱尚饗

祭杜學士審言文

前人

維大唐景龍二年歲次戊申月日考功員外郎宋之間謹

以清酌之奠敬祭于故修文館學士杜君之靈嗚呼位曰

大集作寶才曰天爵辭集作業備而官成名集作聲高而

命薄屈原不終於楚相楊雄自投於漢閣代生人而豈無

人違代而咸若運鍾唐虞崇文寵儒國求至寶家獻靈珠

後俊二字集有王楊盧駱繼之以子跡集作雲衢王也集

服才參卿於西陝楊也終遠宰於東吳盧則哀其栖山而

卧疾駱則不能保族而全軀由運然也集作聊耶莫以福壽自

衛將神忌也不得華實斯俱惟靈昭昭度越諸子言必得

俊意常通理其含潤也若和風欲曙搖露氣于春林其秉  
艷也似涼兩半晴懸日光集作於秋水眾轍同遵者擯落

羣心不際者探擬人也不幸而則亡名兮可大而不死君  
集作靈之栖遑自昔迷方逢時泰兮欲達聞數奇兮自傷屬

文母之丕運應才子之明敷援淪秀於蘭畹侍遊仙於栢  
梁命以著作拜之為郎始翔駕於清列旋禦魅於炎荒遺

旅鴈兮超彭蠡作編人兮居越裳集作殊許靖之新適億  
虞翻之舊鄉惟皇龍興再施法度拂洗溟渤騫集作翔雨

露通籍於八舍禁門搖筆于萬年芳樹仰赤墀兮非遠謂  
白首兮方遇君病何病到此彌晉藥雖集作勤餌兮寧愈針

不及兮可憂雖則妙醫莫識實與明神獲瘳嗚呼哀哉君  
集作靈下之將亡其言也善余向十旬日或再展君感斯

意贈言宛轉識金石之契密悔文章之交淺命子誠妻既  
懇且辨自予集作與君弱歲遊執文翰共許風露集作相

絕况窮海兮同窟復文房兮並入川流遽閱隙電初過昔  
乘運兮如此今造冥兮若何懷君疇昔集作好兮恨已積念

君恩惠集作近惠兮情倍多道之南宅困之東粟使君孤之有  
餘寧我家之不足籍籍流議喧喧薄俗名全每困於鑠金

身沒誰恨其埋玉空落長松千尺詎置生芻一束俾彼韋  
公贈殷禮緜善乎崔子理感情屬相識有素見覽集作增

勗滂君詞賦於雲臺之上藏君齒髮於緱山之曲緱氏山  
兮山上雲秦城郊兮郊外墳孟冬十日兮共歸君集作夫君

集作月

君集作靈有靈今聞不聞我咀瑤屑君知自久坐泣焚芝

遙哀盡柳闕視集作祖載爰集作遺卮酒願歆悲誠

將告良友尚饗

祭楊盈川文

前人

維大周某年月日西河宋某謹以清酌脯羞之奠敬祭于

楊子之靈曰自古皆死不朽者文北河吐集作流液西岳生

靈集作吐雲爰叶集作神通氣降精于君伏道孔門遊刃諸子精

微博識黃中通理屬詞比事宗經匠史玉璞金渾風搖雲

起聞人之善若任諸已受人之恩許之以死惟子堅剛氣

陵秋霜行不苟合言不苟忘大君有命徵子文房余亦叨

忝隨君頡頏同趨北禁並拜東堂志事俱得形骸兩忘載

集作履寒暑貧病洛陽裘馬同弊老幼均糧自君出宰南浮江

海余嘗苦饑今日猶在之子妙年香名早傳從來金馬夙

昔崇賢門庭若市翰墨如泉千載之後聞而凜然死而不

忘問余何傷傷余命薄益州零落生平集作之言幽顯相

託痛君不嗣匪我孤諾君有兄弟同心異體陟岡增哀歸

塋以禮旒纓飄零于洛之汭我之懷矣感歎入冥見子之

第類子之形悼往心絕慰存涕盈古人有言一死一生昔

子一作往矣追送傾城今子來也乃知交情惟郭是戚有

崔不易來哭來祭哀文在席惟席可集作依冰雪四蒲家

人哀哀賓徑微斷今我傷悲情懃昔時子文子翰我緘我

持子宅子兆我營我思子有神鑒我言不欺我有絮酒子

集作之



其歆之我亦引蒲儻昭神期。竟兮歸來聞余此詞。

祭王城門文

前人

維長安二年歲次月日司禮主簿宋某謹以清酌之奠敬  
祭于故宮尹丞太原王君之靈惟靈顯考抗志恬漠九辟  
奚顧一丘自樂行儀集作巢由言重許郭粵我先人比德  
同道理闡探索詞源論討翰墨具存有真有草古人至集  
之言朋友世親王氏兄弟既義集作且仁撫我則厚莫殊  
天倫粵我幼蒙哀纏岵岵急難相顧若出諸已聞過必箴  
見善斯喜盛德之後昔聞其昌之子壯年朱紱始光賀者  
在門哭者在堂慰君之兄撫君之子郭門祖祭平生已矣  
問天何言閉恨泉裏嗚呼哀哉尚饗校三五十七字  
七月十四日 卷終

文苑英華卷第九百七十九

祭文二

交舊二

為建安王祭苗君文一首

祭黃州高州君文一首 祭韋府君文一首

祭率府孫錄事文一首 祭孫府君文一首

祭崔侍郎文一首

為河內王祭陸異州文一首

為吏部侍郎祭故人文一首

祭李侍郎文一首

為王司馬祭甄都督文一首

祭清河房公文一首

為建安王祭苗君文

陳子昂

維某年月日朔方道大總管建安郡王攸宜以酒饌之奠  
祭故壯武將軍左王衛中候左三軍營主苗君之靈君  
忠勇兼資戎麾夙濟烏丸作逆赤羽從軍方且任君先鋒  
仍馳後勁刈鮮卑之蠱推蹋頓之師執馘獻俘歸受國賞  
何圖大勳未立隨命先凋永懷咨嗟情用兼慟故命酒奠  
告爾殤魂君其有靈歆茲薄醑嗚呼哀哉尚饗

祭黃州高府君文

前人

維年月日朔孫女夫某等謹以清酌庶羞之奠敢昭告于  
故黃州高府君之靈惟府君含德元亨保和光大才堪濟  
世而運屬承平器允登台而命鍾流集作流落有瑚璉之寶

~~無~~廟之資豈圖大位不濟幽靈永昧尊儀潛翳三十餘  
年玄殯既開黃腸等承嘉惠已古今青烏改卜丹旌來歸窈窕即期  
幽明永訣某奉事門闈興言追慕實憎感咽竊惟精意以  
享黍稷非馨敢陳薄醑以獻明靈嗚呼哀哉伏惟尚饗

祭韋府君文

前人

維年月日左捨遺陳子昂謹以少牢清酌之奠致祭故人  
臨海韋一有府字君之靈惟君孝友自天忠義由己有經世之  
畧懷軌物之量甘心苦節風雨不改常欲窮則獨善其身  
達則兼濟天下感激遐詠邈然青雲何期良策未從大運  
奄忽嗚呼哀哉昔君夢奠之時值余冥在叢棘獄戶咫尺  
邈若山河話言空存白馬不弔迨天網既開而宿草成列

言笑無由夢寐不接求言感慟何時可忘今旌旒言歸關  
河方遠興言未訣今古長辭鄧攸無子天道何知洛陽舊  
陌拱木猶存京兆新阡孤松已植已矣韋生云何及矣大  
運之往賢聖同塵嗚呼哀哉伏惟尚饗

祭率府錄事文

前人

維年月日朔某等云云古人歎息者恨有志不遂如吾子  
良圖方遠集作青雲自致何天道之微昧而仁德之攸孤  
忽中年而顛沛從天運而長徂惟君仁孝自天忠義由已  
誠不謝於昔人實有高於烈士然而人知信而必果有不  
識於中庸君不慙而集作貞純乃洗心於名理元常既沒  
墨妙不傳君之逸翰曠代同仙蜀本豈圖此妙未極中道

而息懷衆寶而未摠求幽泉而掩鼻嗚呼哀哉平生知己  
疇昔周旋我之數子君交之百年相視而笑宛然昨日交  
臂而悲今焉已失人代如此天道固集作然所恨君者在  
天當年嗣子孤藐貧窶聯翩無父何恃有母惇焉嗚呼孫  
子山濤尚在嵇紹不孤君其知我無恨泉途嗚呼哀哉伏  
惟尚饗

祭孫府君文

前人

維年月日子昂謹以牲酒之奠致祭故延俊府拆衝燕然  
集有孫府君之靈惟君少馳英武早効成功聲雄塞上名  
重關中愴稜威於敵國存大節於家風既揮金而退老方  
餌玉集作於仙童何昊天之不弔隨大化之云集作終白

馬故人青鳥送往素車未訣黃墟誰賞醕集作酒盈觴竟  
今尚饗

祭崔侍郎文

張說

維神龍三年月朔日兵部郎中員外曹良史等謹以清酌  
少牢之奠敬祭故侍郎崔公之靈位以行成名以才起天  
臨明代是生君子長戟高門層堂峻址孝友仁愛衣冠標  
軌清通正直省闕集作條理束帶立朝惟國之後抑揚吐  
納金聲玉振器不滯方神無留韻厚奉外不為假坦率內  
不違真泛交而容博好施而能均欲人規已恕已及人故  
者不遺其故親者無失其親歷否泰能全其節故令名不  
離其身方齊六相助明三辰何孤我德何負茲神搏空靈

羽中駕摧輪昔時寮列今為弔賓凡二三子夙承惠集作  
眷聯務七兵歲陽三變分與時積事由更練嘗嘗公庭申  
申私宴慟音微之未掩懷儀範之不見戢容止於綴足潛  
眉目於蒙面哀哉奈何零涕集作如霰緬惟初疾以迄將  
亡意氣精爽乾乾自強顧瞻賓客勉勉矜莊几不側弁衾  
無解裳話言靜密憂公不忘猶看駿馬尚聰聽名倡靡神不  
禱靡藥不嘗倏然信宿竟歸渺茫歲初置酒春中酌觴何  
吉凶之共域同歌哭於此堂自古及今人誰不沒豈嘆生  
死所嗟愴卒脩途未半壯志先伐集作子齡年遺孕集作數  
月集作在親親與懷舊孰不傷心而痛骨靈集作莫易收深悲  
難歇尚饗

為河內王祭陸異州文

前人

維萬歲通天元年月朔日神兵道大總管河北道按撫使

右金吾大將軍河內郡王以少牢之奠致祭故異州刺史

陸君之靈戎羯不道侵軼幽都兗渠電滅餘燎星鋪鳴弓

拱集作快扶柳飲馬長蘆攬集同惡難起無虞泉鏡為依集作旅

鯨鯢有族裳旗來兵剡弧集作菽弦木泮叛換吞噬睢盱觸逐

亂舞梯衡集作衡潛攻版築鑿齒爭厲熊罴未熟踰垣自潰

守陴皆哭高扁集作高已陷連櫨集作樓復焚人類薙草城隨

壞雲僵屍暴骨藉藉紛紛嗟嗟使君死節無吝政覺成俗

兵機不振搆此集作狡猖狂難以德鎮城為讐保身膏虜刃

明明上帝仁覆憫下赫赫神兵驅馳在野朝告夕赴集作起

如何不及將守非堅為寇是急救兵適來涉血猶濕三軍

雷歎百戍雨泣天子命我董戎冀方旌旗介冑千里相望

既掃氛濁言巡戰場輯睦人吏撫寧孤孀徘徊城府悽愴

其崇禮重王事哀深國殤竟今有感歆此嘉嘗尚饗

為吏部侍郎祭故人文

張九齡

維開元十年歲次壬戌二月癸酉朔十七日巳丑吏部侍

郎某謹以清酌脯醢之奠致祭于故某公之靈聞夫仁必

壽考所謂神道善亦慶延以為信然今夫子之不福而聖

謨之是僊孝友純固禮讓周旋行所以直業所以專誠公

才而天假故官政以日宣節使是式朝宿既至十部稱賢

一人思媚鳳凰于彼雲霄以異胡然明靈殲我良懿嗚呼

哀哉夫子之逝平生之懷襟袍素合遊處嘗偕清風對禁  
文石同儕自茲兩掖殆將一紀展轉清貫此離君子曷其  
愛而甫云觀至正司空之掃第屬荊州之罷市歎交臂而  
相失殷痛心其何已今卜兆有日祖載在廷颯然象設冥  
爾音形驅白馬而何見瞻素車而已荷德音不忘應其棠  
之勿剪交情乃見伊黍稷之非馨嗚呼哀哉尚饗

祭李侍郎集作文

前人

維年月朔日中散大夫洪州都督張九齡謹遣倉曹參軍  
李某以醢脯之奠敬祭于故宋國公之靈惟公世載賢傑  
天資忠厚外珪組而雖華內水鏡而無垢善常不伐明能  
自晦省中之樹訪猶不言車前之馬數而後對淑慎自己

屯某作亨有時孰能違集作命公此來恩結忠主之戀深

去國之悲六疾斯起五福云欺生涯溘盡精魄何之嗚呼  
哀哉追惟曩昔升降雲霄榮華侍從暉暉光昭日歟月歟  
有榮有凋丹旆子予白驥蕭蕭同官之感俾余竟銷靈之  
來歸茲焉旅次瞻望無覩悲辛自至頃密爾而寄音今冥  
然而結歎南北于遠幽明永異何以叙情寄之奠饋與饗  
為王司馬祭甄都督文 前人

維開元五年歲次丁巳九月丁酉朔十四日庚戌具某官謹  
以清酌少牢之奠敬祭于廣州都督甄公之靈惟公稟氣  
異人為國良臣資忠秉義奮翼躍鱗富貴自取聲名益震  
故能北擁旄於玄朔南仗節於朱垠行部無幾卧理斯屬

棠陰在聽，殪歌成曲。下流是仰，長塗反促。始望雨而隨車，  
遽驚風而轉燭。嗚呼哀哉！甫茲歲首，彤轡載輝。今也秋季，  
丹旒言歸。嗟集作既寒來而暑往，將物改而人非。駟馬不馭，  
雙燕空飛。對平生之氣象，詠宿昔之音徽。燕越兮地，耿湖  
山兮路微。奠肴觴而集作之在席，感徒御以霑衣。嗚呼哀哉，  
尚饗。

祭故相國清河房公文

杜甫

維唐廣德元年歲次癸卯九月辛丑朔二十二日壬戌京  
兆杜甫謹以集作敬醴酒茶藕尊鯽之奠，奉祭故相國清河  
房公之靈。曰嗚呼！純朴既散，聖人又歿。苟非大賢執奉天  
袂，唐始受命。群公間出，君臣和同。德教充溢，魏杜行之。夫

何盡一婁，宋繼之不墜。故實百餘年間，見有輔弼。及公入  
相，紀綱已失。將帥干紀，烟塵犯闕。王風寢頓，神器圯裂。關  
輔蕭條，乘輿播越。太子即位，揖讓倉卒。小臣用權，尊貴倏  
忽。公實匡救，忘餐奮發。累抗直詞，空聞泣血。時遭侵沴，國  
有征伐。車駕還京，朝廷就列。盜本乘弊，誅終不滅。高義沉  
埋，赤心蕩拆。貶官厭路，讒口一作言到骨。致君之誠，在困彌  
切。天道濶遠，元精茫昧。偶生賢達，不必際會。明明我公，可  
去一作云時代。賈誼慟哭，雖多顛沛。仲尼旅人，自有遺愛。二  
聖崩日，長號荒外。後事所委，不在卧内。因循寢疾，顛顛無  
憚。天闕蜀本作死天泉途激揚，風檠天柱。既拆安仰，翊戴地維。  
則一作既絕安放。挾集作夾載豈無羣念，我心忉忉。不見君子

逝水滔滔泄湧寒谷吞聲賊據有車爰送有緋爰操撫墳  
 日落樹集作晚脫劍秋高我公誠子無作爾勞斂以素帛付諸  
 蓬蒿身沒集作瘞萬里家無一毫數子哀過他人鬱陶水漿  
 不入日月其愴州府救喪一二而已自古所歎罕聞知已  
 曩者書札望公再起往集作令來禮數為能集作態至此先帝  
 松柏故鄉粉梓靈之忠孝氣則依倚拾遺補闕視君所履  
 公之集作初罷印人實切齒甫也備位此官蓋薄劣耳見時  
 危急敢愛生死君何不聞刑欲加矣伏奏無成終身愧耻  
 乾坤慘慘豺虎紛紛蒼生破碎諸將功勳城邑自守鼙鼓  
 相聞山東雖定灞上多軍憂恨展轉痛傷氛集作氣氲玄豈  
 堂集作非色集作非白赤集作非不分培塿滿地崑崙無羣致祭者酒陳

情者文何當旅觀得出江雲嗚呼哀哉尚饗

校正五十九字 七月十四日

文苑英華卷第九百七十九



文苑英華卷第九百八十九

祭文三

交舊三

祭劉評事兄文一首

祭劉左丞文一首

祭友人張五兄文一首

祭亡友揚州功曹蕭公文一首

祭董大使文一首

祭李中丞文一首

祭嚴尚書文一首

祭李相公文一首

祭李侍郎文一首

祭員郎中文一首

祭衢州李司士文一首

祭裴尚書文一首

祭劉評事兄文

李華

維乾元二年歲次己亥六月乙未朔三日丁酉趙羣李華

祭于劉三兄之靈惟兄高韻曠度拔於時倫德契中和道

符深仁泉明其照情性其文疎近無二心冥則親雅敦名

教素遠權利夷險一節通塞一致有時不適與道偕醉跡

一作事隨沉浮量混同異白雲何遠清風自至人或知兄王

佐之器豈人無福而兄天年浙東幕庭喪此一賢識與不

識辛酸泫然秦失五殺春不相杵清標高志行乃動主繫

我夫子列在中士職無所統談笑而已居室言善感於千

里綿江越湖掩涕相視追懷晨夜一作曩辰道則同謀定交梁

國周旋兩都更相默喜吾道不孤契濶艱難誰榮誰枯良

願再諧握手東吳羈旅情倍天倫豈殊去歲季冬將膺使

檄累辱來召陵江掛席持酒歡酣憂懷頓釋携手終日聽

言竟夕無食不均無衣不易題序申餞情深義激贈言緬

繆寵我行役涉泗而還遽承違癘猶復垂念尺書相繼將

慶有瘳俄哀未逝萎我盛德天敵疑作胡不惠嗚呼痛哉華

江濱憔悴風濕所侵疾不果問喪不果臨無由執紼從茲

破琴異鄉之慟於此何心不言少別便為古今嗚呼痛哉

光烈幕府親兄重兄恩深撫孤義感平生臨吊盡哀行路

涕零躬護喪事推以信誠古風復存今見哀榮嗚呼痛哉

孀妻晝哭弱子纏經蕭蕭旅塋空對江月想像遊處心呼

鬱結羽毛相依忍此凋缺寢門之悲悽斷吳越蘇門朗嘯

於此長絕泣戒將命往申微醴此如不祭祇益酸咽兄性

與道合栖心福庭故於是奠不列輦腥願垂惠照以濟幽

與道合栖心福庭故於是奠不列輦腥願垂惠照以濟幽

靈值佛開法長為弟兄素心惟此敢告冥冥尚享

祭劉左丞文

前人

維年月日左補闕趙郡李華謹奉清酌微奠祭于故國子  
祭酒劉十六兄之靈痛矣夫時方刑措誼傳長沙運丁中  
興衍廢于家命與道乖末如之何先師微言行已堙塞續  
儒濟德俾世為則專門繼起人用不惑季孟叔仲並華于  
國文傾遷固理破楊墨濁斯渾清曲莫容直孤玉沉韻高  
鴻墜翼疇昔之年逆虜悖天帝命西平董戎于關上宰姦  
回蔽明怙權阻以監撫海內飜然督哥舒將盍不速轅一作  
哥舒盍東兄在西陲飛章上言喻引古今易亡為存時  
憚姦邪不聞帝閣文武房公慷慨獨論迎吠信信竟寢

文華忝諫官亦嘗披肝千里同氣寤寐末歎請受一作監

收一作請一作鎮豐安乞固上黨乞備太原心竭犬馬事

屈羣頑哥舒表華掌記轅門明明仁兄紹介三軍一作族在

此懼為福疑原竟迫方寸孤天負恩聖朝孝理未忍行戮

爰詔三司伏念哀鞠綱脫一作烏鳥恩開桎梏實賴仁人

再春枯木房公介然明華於朝兄志提挈出泥登霄言于

宰司大啓學徒陳沈泊華可備師儒堂堂昌言光我囚拘

褚中不行何日忘諸功曹垂侍恩比天倫手足是比榮枯

一人友愛惟深憐眷益親難阨流離存亡未分異遊門閭

以慰酸辛誰謂凋落今惟二人嗚呼哀哉弟參邦憲兄鎮

海夷誰云存歿共彼有期謂天無親胡與善違孺子攀號

文苑英華 卷之九百八十七

遠奉裳帷季氏呼天割我四支平生故人橫涕交頤寄窆  
空原時迨一作追與師官尊地偏禮不成儀回望舊邦素車  
遲遲潯陽地古舉目悽悲執紼流慟誰堪此時余生易感  
况已衰羸泣薦潢汙魂兮臨之尚享

祭亡友張五兄文

前人

維永泰二年歲次庚午正月某朔日趙郡李華謹遣從姪  
詹事府丞廉以茶乳蔬果之奠敬祭于亡友張兄博士之  
靈嗚呼痛哉先生之終人倫不幸况乎小子最飽道風何  
悲如之先生以道為貴以德為富以樂天知命為壽則非  
其道而貴者賤也非其德而富者貧也不樂天不知命而  
壽者天也然先王生道貴德富加以樂天知命之壽固無限  
矣所痛者仁而無後天道何以為善與神理何以為正直  
滔滔江水此慟何窮嗚呼哀哉華殘年衰病不足履地撫  
膺而哭欲往無由千里申奠不任酸咽仁兄先生俯監悲  
懷尚享

祭亡友楊州功曹蕭公文

前人

維乾元三年二月十日孤子趙郡一無此二字李華以清酌之  
奠祭于故亡友楊州功曹蘭陵蕭公之靈嗚呼茂挺平生  
相知情體如一歲月之別俄成古今天平喪予此痛何極  
華釁罰深重艱棘所鍾殊方末慕觸目號裂孤窮易感况  
哭故人以足下才惟挺生名蓋天下道孤命屈淪阨終身  
避亂全潔忠也冒危遷祔孝也王佐之才先師之訓而歿

子道路何負於天乎痛哉華疇昔之歲幸泰周旋足下不  
棄愚劣一言契合古稱管鮑今則蕭李有過必規無文不  
講知名當世實賴若人循環徃復何日忘此華等一作泣  
血千里羈旅相依聞其一作哀心骨皆斷夫痛之至者  
雖一作欲寄詞一作填塞一作捷捷一作其降一作其降  
言不能宣一作惟靈一作尚饗一作皆唐文粹

祭董大使文

崔祐甫

維寶應元年歲次壬寅月日祭于隴西董府君之靈曰秋  
日淒淒百卉具腓城寺無主人焉適歸矧蓄廢麻之望翻  
遇死喪之威弔隨慶集事與心違良知與主昨是今非嗚  
呼哀哉追惟曩歲末豐之遊清川倚棹廣路停軌道路契  
澗燕言綢繆倏焉陳迹曾不少晉幾成海變何啻星周動

翻翱翔上陵蒼蒼俯憐燕雀畏逼藩牆議以銜羽將貽稻

梁望國酸疑作奔初念楮中之惠及門問故俄增掛劍之

傷嗚呼哀哉干旄祭戟撤而不見總蒙戶而風悲葦遠庭

而靈泣疑作邦人輟春殲良何速厲吏霑襟于何從祿永

無像於形儀庶有憑於軌躅羞匏葉而為薦此隻雞而可

續嗚呼哀哉尚享

為吏部李侍郎祭蘇州李中丞文 獨孤及

年月日某官某乙謹以清酌少牢之奠敬祭于故蘇州刺  
史兼御史中丞贈吏部侍郎李公之靈嗚呼天以純粹鍾  
美於公孝友慈惠公庶貞直事君以忠臨節有勇可以師  
表鄉黨儀形縉紳宜荷百祿乃朋三壽執司物化曾莫輔

德諸父不死公獨返真官不過八命年未逾六十豈五藥

乖養九藏失節以及此乎將脩短之域窮達之數止於是

乎前期幽報如所修乎俯觀前生集作生前亦有恨乎昔公出

入臺閣勤勞王事驅馳集作馳驅使車周旋天下克已奉職一

何正也姑蘇之役姦倖構難公秉義勇誅其渠魁海寇圍

逼勾吳震駭公帥羸師克剪大敵奇謀生於死地貞節見

於孤城夫豈惡生誓無奪志臨危致命一何壯也濯纓來

朝祗若王命三府高議方以黃散咨公天乎無知不從人

欲旅櫬委於空館妻孥恨於遠道其來也駟馬朱幡其往

也孤鞞丹旄天子興悼台臣雨集作雪泣情鍾我輩其集作哀

可既乎縮等義惟寮友季卿等屬忝宗族歎愛如昨書札

猶新伸眉未久集作幾交臂或集作忽失形骸嗚呼此竟鬼何之

鳴琴潺湲恍若在耳前路冥冥良遊無期靈之來兮歆此

薄酌集作酌尚享

為元相公祭嚴尚書文

前入

年月朔日某官某乙謹以清酌少牢之奠敬祭于黃門侍

郎兼吏部尚書御史大夫嚴公之靈嗚呼天惟難集作匪謀

才不必壽丹牛集作耕斯疾顏回知集作短命吉凶無朕集作朕

凡聖共惑惟公茂質見於芳年齒蝨九葩磊落集作珂千丈

嘗戮力當代以智開物若發矟之刃决雲切玉長安浩穰

憲綱踈漏天子命公尹京執法能秉直道以張皇綱集作至皇

網集作三十七字集本如此華美止盜奔訟清周月報政巴蜀

亟擾上為盱食自公集作公之攸徂亦既集作乳亦邁已昆夷授首

邛夔斂化及位集作加冢卿為天喉舌謂當任極台鉉壽如

岡陵青雲何攀白日忽暮嗟來桑扈溘與化往孰云夫君

而有斯芳叢集作叢蘭春敗大壑夜失非君興哀吾誰為慟昔

公先中書以道銷讒勝不踐袞職公復筭屈短曆卒無相

印蒼生孤望前後同悲曩子論交於予投分形接意敵聲

應事感俱涉世故累荷寵榮余忝台司公亦亞相大駕東

狩卒集作護陪屬車各負羈紲又同集作同扞牧圉誠節見於多

難交態彰於困蒙願言悉心共獎王室鎮蜀之後集作後南

北頗限猶易前期未嗟少別別未艾也死生間之夙昔歡

愛今返為悲真宰何人壽夭誰司善而無報天豈余欺憶

昨攸往火旗電輜今也來思白馬龍輻鯉書遂絕鷄黍無

期惜無寶劍掛君松枝旨酒一壺幽明此辭尚享集作饗

為楊左丞祭李相公文 前人

年月日尚書左丞楊綰吏部侍郎李季卿部侍郎王廷昌刑部侍郎魏少

遊工部侍郎徐浩謹以清酌少牢之奠敬祭于故相國李

公之靈嗚呼宗祏儲祉降神生公稟天純懿為國柱石負

荷代業儀刑本枝九居過集作專城六處八座五嶺憲府兩

登台司惟公廉忠信是務惟寬厚清淨是守危言獻可未

嘗脂韋取容直躬而行不為權幸改操三已無愠一麾乃

出其茂勲崇名遺芳餘事輝映策牘標準縉紳所莅之邦

于今頌羨若鄭人之思子產周人之歌召伯謂公福如山

皇壽登期願為天子元老以彌成度政溢與化往嗚呼曷

歸何萬人之具瞻與天命之相違窺遺塵於臺閣想魁公

之容微嗟道申而壽短集作痛跡是而人非縮等恭承嘉

惠昔嘗登門接後堂之歡娛參東閣之討論謔浪在耳書

札具存柰何少別忽聞九泉集作尚享

為吏部楊侍郎祭李侍郎集作文 前人

年月某官某乙謹以清酌少牢之奠敬祭于故右散騎常

侍贈禮部尚書李公之靈嗚呼冲和集作之氣生德於公

忠孝貞諒聰明宏達卓犖特立英明虛受自司翰持衡觀

風執法周旋三閣出入十載能直其道而正其身致命臨

節仁而有勇造次顛沛義形於色莊敬發乎談笑孝謹屬

于集作閨門若天祚明德神與正直公宜錫慶鍾壽俾大

而昌于何官不至三享年不及六十積德無報為仁者惑

焉今行及先遠將安宅兆嗟來桑扈往無返期追思平生

夙昔歡好懇款交臂之分勒拳集作同心之言今則冥漠

無非夢想非夫人之為慟而誰為慟不知神之所在彼乎

此乎旨酒一樽以為別乎集作尚享

為明州獨孤俊臣集作祭員郎中文 前人

某月日某官某乙謹以觴豆之奠敬祭于故某部郎中兼

某州刺史員公之靈吳越僬歲元元艱食帝咨四岳分命

于公以公克勤于邦克儉于家忠而能立剛亦不吐出入

臺閣將十五載動合律度量為程式及茲剖符銜疾受命



而慨然有表正東夏澄清江湖之心海隅蒼生方仰集作望

公以大庇朝廷縉紳期公上台而悠悠蒼天屈公以下

壽時既得集作須而命不與致智未窮而生有涯嗚呼哀哉昔

公繡衣持斧余忝接武於朝公負譴投荒余亦左袵異域

山川有間交情無極各隨波流在天一方險阻艱難亦既

備嘗邂逅相遇荆蠻之鄉惠而好我何日能忘浙右巨鎮

甬東孤城風烟接壤集作相接弔伐同盟未及前驅莫申微誠

遽聞沉痾集作荷痾忽問死生九原誰歸萬事長往夙昔歡愛

無非夢想舟遊折壑走吾將安仰隻雞之薦靈兮來集作歌饗

祭衢州李司士文

前人

年月朔日前華陰縣尉獨孤及謹以清酌庶羞之奠敬祭

于衢州司士參軍李君之靈惟君砥節勵行抱粹含純剛

亦不吐直而能溫筮仕誠立安卑道存宜錫難老亦高其

門如集作奈何盛德迫此短農長追惟夙昔修好於君託以良

援申之婚姻勸我以義敦我以仁各徇薄宦俱期致身頃

復離離別幾為胡秦契濶乖阻艱難苦辛君恨靡盬陳力既

闕余集于集作奈蓼零丁海濱弔恤何深舊好惟勤集作慇贈

言如昨尺素猶新倏忽長往吳吾誰與親常日音徽平生懿

文今則已矣長為古人憐君不知哭吾不聞瀝酒墳草酒

淚隴雲庶因薄奠髣髴精神尚饗

為華陰李太守祭裴尚書文

前人

年月日華陰郡守李某謹以清酌少牢集作庶羞之奠敬祭于

故禮部尚書河東裴公之靈嗚呼元精純粹生德于公峻

極降祉真明在躬濯纓登朝事君以忠出入三閣周旋兩

宮褰帷井陘推穀盧龍喉舌是寄令集作間斯崇鯤背垂

天鴻毛順風亦既左官時更困蒙夷險能一集作高明有

融三已無愠再命滋恭肇受方伯俄昇秩宗將陳謨謀以

佐時雍如何不弔降此鞠凶珠履聲絕蒼生望窮機返太

素勲晉區中集作杳杳龍輻瞻言徂東敬飭薄奠邀神昊

穹靈顧來享髮髯聲集作容嗚呼哀哉尚享鄉良

校正一百七十字 七月十五日

文苑英華卷第九百八十